



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Phileremi Palaeologi Monachi De Oratione Dominica Liber**

**Lardenoy, Martin de**

**Parisiis, 1673**

Adveniat Regnum Tuum.

**urn:nbn:de:hbz:466:1-9892**

56 Phileremi Palæol. Monac.

Exponens quippe eamdem oratio-  
Matth. 6. nem : dicimus , inquit , Sanctifice-  
tur nomen tuum : non quid opte-

mus Deo ut sanctificetur orationi-  
bus nostris ; sed quod petamus à  
Deo , ut nomen ejus sanctificetur  
in nobis. Ceterum à quo Deus san-  
tificatur , qui ipse sanctificat ? Sed

Exodus. 19. quia ipse dixit : Sancti estote , quo-

niam & ego sanctus sum ; id peti-  
mus & rogamus , ut qui in baptis-  
mo sanctificati sumus , in eo quod  
esse cœpimus , perseveremus. Ecce  
gloriosissimus Martyr hoc sentit ,  
quod in his verbis quotidie fideles  
Christi petunt , ut perseverent in  
eo quod esse cœperunt. Nullo au-  
tem dubitante , quisquis à Domi-  
no , ut in bono perseveret precat-  
tur , donum ejus esse talem perse-  
verantium confitetur.

## A D V E N I A T R E G N U M Tuum.

<sup>a Homi'. 2</sup>  
<sup>42. cap. 2.</sup>

VEniet , etsi nolumus : sed  
optare & orare ut veniat

*de Oratione Dominica Liber.* 57

regnum ejus , nihil est aliud quām  
optare ab illo ut dignos nos faciat  
Regno suo , ne forte , quod absit ,  
veniat , & non nobis veniat. Mul-  
tis enim non est venturū quod  
tamen venturū est. Eis enim  
venturū est quibus dicitur : *Ve-* Matth.  
*nite benedicti Patris mei ; percipite* 25.34.  
*regnum quod vobis paratum est ab*  
*origine mundi.* Illis non veniet ,  
quibus dicitur : *Discedite à me* <sup>Ibid v.</sup>  
*maledicti in ignem aeternum.* Cūm <sup>41.</sup>  
verò dicimus : *veniat regnum tuum*, Mat h.  
oramus ut nobis veniat. *Quid est*, <sup>6. 10.</sup>  
ut nobis veniat ? Ut bonos nos in-  
veniat. Ergo & hīc qui jam san-  
cti sunt quid orant nisi ut in eā san-  
ctitate quæ illis data est , perseve-  
rent ? Neque enim aliter eis veniet  
regnum Dei , quod non aliis , sed  
his qui perseverant usque in finem ,  
certum est esse venturū. Placuit <sup>a Lib. de</sup>  
enim Deo , quod maximè humanæ <sup>Cor. 3.</sup>  
superbiam præsumptionis extin- <sup>r. 1. 12.</sup>  
gueret , ut non glorietur omnis ca-  
ro coram ipso , id est , omnis homo.  
Unde autem non glorietur caro

58 Phileremi Palæol. Monac.

coram ipso , nisi de meritis suis ?  
Quæ quidem potuit habere , sed  
perdidit ; & per quod habere po-  
tuit , per hoc perdidit , hoc est , per  
liberum arbitrium ; propter quod  
non restat liberandis , nisi gratia  
liberantis :<sup>a</sup> Qui eis non solum dat  
adjutorium quale primo homini  
dedit , sine quo non possint perse-  
verare si velint ; sed in eis etiam  
operatur & velle : ut quoniam  
non perseverabunt , nisi & possint  
& velint , perseverandi eis possibi-  
litas & voluntas Divinæ gratiæ  
largitate donetur . Tantum quip-  
pe Spiritu sancto accenditur vo-  
luntas eorum , ut ideo possint quia  
sic volunt , ideo sic velint quia  
Deus operatur ut velint . Nam si  
in tantâ infirmitate vitæ hujus ( in  
quâ tamen infirmitate propter elationem  
reprimendam perfici vir-  
tutem oportebat , ) ipsis relinque-  
retur voluntas sua ut in adjutorio  
Dei , sine quo perseverare non pos-  
sent , manerent si vellent , nec  
Deus in eis operaretur ut vellent;

*al bid.*

inter tot & tantas tentationes infirmitate suâ voluntas ipsa succumberet , & ideo perseverare non possent , quia deficientes infirmitate nec vellent , aut non ita vellent infirmitate voluntatis , ut possent. Subventum est igitur infirmitati voluntatis humanæ , ut divinâ gratiâ indeclinabiliter & insuperabiliter ageretur ; & ideo quamvis infirma , non tamen deficeret , neque adversitate aliquâ vinceretur. Ita factum est ut voluntas hominis invalida & imbecilla in bono adhuc parvo perseveraret per virtutem Dei ; cùm & voluntas primi hominis fortis & sana in bono ampliore non perseveraverit , habens virtutem liberi arbitrij , quamvis non defuturo adjutorio Dei ; sine quo non posset perseverare si vellet , non tamen tali quo in illo Deus operaretur ut vellet. Fortissimo quippe dimisit atque permisit facere quod vellet ; infirmis servavit ut ipso donante invictissimè quod bonum est vellent ,

60 Phileremi Palæol. Monac.

& hoc deserere invictissimè nol-

<sup>a</sup> Lib. de & Ipsi sunt illi prædestinati,

<sup>Corr. &</sup> & secundùm propositum vocati,

<sup>grat. cap.</sup> quorum nullus perit. Ac per hoc

nullus eorum ex bono in malum

mutatus finit hanc vitam , quo-

niam sic est ordinatus , & ideo

<sup>Ioan. 3.</sup> Christo datus , ut non pereat , sed

<sup>b Lib. de</sup> habeat vitam æternam. <sup>b</sup> Hic for-

<sup>mor. Eccl.</sup> cap. 25. tasse non incongruè quæritur æter-

na ipsa vita quid sit. Sed ejus lar-

gitorem potius audiamus : *Hæc est*,

<sup>Ioan. 17.</sup> *inquit , vita æterna , ut cognoscant*

<sup>f.</sup> *te verum Deum , & quem misisti*

*Iesum Christum. Æterna igitur vita ,*

*est ipsa cognitio veritatis. Quam-*

*obrem videte quām sint perversi*

*atque præposteri , qui sese arbi-*

*trantur Dei cognitionem tradere*

*ut perfecti simus , cùm perfecto-*

*rum ipsa sit præmium. Quid er-*

*go agendum est ? Quid , quæso ,*

*nisi ut eum ipsum quem cognos-*

*cere volumus , priùs plenâ charita-*

<sup>c Lib. o</sup> te diligamus ? <sup>c</sup> Bonum enim no-

<sup>de Civit.</sup> strum , de cuius fine inter Philoso-

<sup>Dei. cap.</sup> phos magna contentio est , nullum

*de Oratione Dominica Liber.* 61  
est aliud quām illi cohārere , cu-  
jus unius anima int̄ llectualis in-  
corporeo , si dici potest , amplexu  
veris impletur fœcundaturque vir-  
tutibus. Hoc enim bonum dilige-  
re in toto corde , in totā animā , Matth.  
& in totā virtute præcipimur. Ad <sup>22. 37.</sup>  
hoc bonum debemus & à quibus  
diligimur , duci , & quos diligimus ,  
ducere. Sic complentur duo illa  
præcepta in quibus tota lex pendet  
& Prophetæ : *Diliges Dominum* Matth.  
*Deum tuum in toto corde tuo* , <sup>ibid. v.</sup>  
*in totā animā tuā* ; & : *Diliges pro- 39.*  
*ximum tuum tanquam te ipsum.*  
Ut enim homo sese diligere nosset ,  
constitutus est ei finis quō referret  
omnia quæ ageret , ut beatus esset :  
non enim qui se diligit , aliud esse  
vult quām beatus. Hic autem fi-  
nis , est adhærere Deo. Jam igitur  
scienti diligere seipsum , cùm  
mandatur de proximo diligendo  
sicut seipsum , quid aliud manda-  
tur , nisi ut ei , quantum potest ,  
commendet diligendum Deum ?  
Hic est Dei cultus , hæc vera reli-

62 Phileremi Palæol. Monac.

a Lib. i.  
de doctr.  
christ.  
cap. 22.

gio, hæc recta pietas, hæc tantum  
Deo debita servitus. Tunc quip-  
pe est optimus homo, cùm totâ  
suâ vitâ pergit in incommutabilem  
vitam, & toto affectu inhæret illi.  
Si autem se propter se diligit, non  
se refert ad Deum, sed ad seipsum  
conversus non ad incommutable  
aliquid convertitur: & propterea  
jam cum defectu aliquo se fruitur,  
quia melior est cùm totus hæret  
atque constringitur incommutabi-  
li bono, quàm cùm inde vel ad  
seipsum relaxatur. Si ergo te ipsum  
non propter te ipsum debes dilige-  
re, sed propter illum ubi dilectio-  
nis tuæ rectissimus finis est, non  
succenseat aliis homo, si etiam  
ipsum propter Deum diligis. Hæc  
enim regula dilectionis divinitus

Math. 22. constituta est: *Diliges, inquit,*  
39. *proximum tuum sicut te ipsum;*  
ib. v. 37. *Deum verò ex toto corde, & ex*  
*totâ animâ, & ex totâ mente; ut*  
*omnes cogitationes tuas, & om-*  
*nem vitam, & omnem intellectum*  
*in illum conferas, à quo habes ea*

ipsa quæ confers. Cùm autem ait,  
toto corde , totâ animâ , totâ men-  
te , nullam vitæ nostræ partem re-  
liquit , quæ vacare debeat , & quasi  
locum dare ut aliâ re velit frui ,  
sed quidquid aliud diligendum  
venerit in animum , illuc rapiatur  
quod totus dilectionis impetus cur-  
rit. *Quisquis ergo rectè proximum*  
diligit , hoc cum eo debet agere ,  
ut etiam ipse toto corde , totâ ani-  
mâ ; totâ mente diligit Deum : Sic  
enim eum diligens tanquam sei-  
psum , totam dilectionem sui &  
illius refert in illam dilectionem  
Dei , quæ nullum à se rivulum du-  
ci extra patitur , cuius derivatione  
minuatur. <sup>a In Ps.</sup> *Hoc est gratis amare ,*  
non quasi propositâ acceptance <sup>134. ante  
mercedis ; quia ipsa merces tua  
summa , Deus ipse erit quem gra-</sup>  
<sup>med.</sup>  
tis diligis , & sic amare debes , ut  
ipsum pro mercede desiderare non  
desinas , qui solus te satiet , sicut <sup>Ioan. 14.  
8.</sup>  
*Philippus desiderabat cùm diceret :* <sup>b In Ps.</sup>  
*Ostende nobis Patrem , & sufficit* <sup>72. fin.</sup>  
*nobis.* <sup>b</sup> *Qui aliud præmium petit*

64 Phileremi Palæol. Monac.

à Deo , & propterea vult servire  
Deo , carius facit quod vult acci-  
pere , quām ipsum à quo vult ac-  
cipere. Quid ergo ? Nullum præ-  
mium Dei ? Nullum præter ipsum.

<sup>a</sup>Lib. 1.  
<sup>de Trin.</sup>  
<sup>cap. 10.</sup>  
<sup>1. Cor. 15.</sup>  
<sup>28.</sup> Præmium Dei , ipse Deus est .<sup>3</sup> In  
illâ igitur contemplatione Deus erit  
*omnia in omnibus* , quia nihil ab illo  
aliud requiretur , sed soloipso illu-  
strari perfruique sufficiet ; ideoque

Rom. 8. ille in quo *Spiritus* interpellat ge-  
<sup>26.</sup>  
<sup>Psal. 26.</sup>  
<sup>4.</sup> mitibus inenarrabilibus , unam , in-  
quit , petij à Domino ; hanc requi-  
ram , ut inhabitem in domo Domi-  
ni per omnes diesvitæ meæ , ut con-  
templer delectationem Domini .  
Contemplabimur enim Deum Pa-  
rem , & Filium , & Spiritum san-

<sup>1. Tim. 2.</sup>  
<sup>5. &</sup>  
<sup>1. Cor. 15.</sup>  
<sup>24.</sup> etum , cùm mediator Dei & homi-  
num homo Christus Jesus tradide-  
rit Regnum Deo & Patri , ut jam  
non interpellat pro nobis mediator  
& sacerdos noster , filius Dei &  
filius hominis ; sed & ipse inquan-  
tum sacerdos est , assumptâ pros-  
pter nos servi formâ , subjectus sit  
Heb. 2.8. ei qui illi subjicit omnia , &  
cui

*de Oratione Dominica Liber.* 65  
cui subejectit omnia ; ut in quantum Deus est, cum illo nos subiectos habeat ; in quantum sacerdos, nobiscum illi subiectus sit. <sup>a</sup> Hoc qui *ibid.* credunt, digni habebuntur perduci à fide ad speciem, id est, ad ipsam visionem, quod perducens dictus est tradere regnum Deo & Patri. Fideles quippe ejus quos redemit sanguine suo, dicti sunt regnum ejus ; pro quibus nunc interpellat, tunc autem illic eos sibi faciens inhærere, ubi æqualis est patri, non jam rogabit patrem pro eis, *Ipse enim, inquit, pater amat* <sup>Ioan. 16.</sup> vos. <sup>b</sup> Secutio igitur Dei, beatitatis appetitus est ; consecutio autem ipsa beatitas. At eum sequimur diligendo, consequimur verò, non cùm hoc omnino efficimur quod est ipse, sed ei proximi, eumque mirifico & intelligibili modo contingentes, ejusque veritate & sanctitate penitus illustrati atque comprehensi. Ille namque ipsum lumen est, nobis autem ab eodem illuminari licet. <sup>c</sup> Sed quan-

<sup>c</sup> *Serm. de divers.*  
<sup>d</sup> *ap. 7.*

F

66 Phileremi Palæol. Monac.

do dicitur , quia Deum habebimus ,  
& ipso solo contenti erimus , im-  
mò ipso solo sic delectabimur , ut  
nihil aliud requiramus ; <sup>a</sup> quasi an-  
gustatur anima , quæ consuevit  
multis delectari ; & dicit sibi ani-  
ma carnalis , carni addicta , carna-  
libus cupiditatibus implicita , vis-  
co malarum cupiditatum involu-  
tas pennas habens ne volet ad  
Deum ; dicit sibi : quid mihi erit  
ubi non manducabo , ubi non bi-  
bam ; ubi cum uxore meâ non dor-  
miam ? Quale mihi gaudium erit ?

<sup>b</sup> Ibid.  
cap. 8.

<sup>b</sup> Infelix , verba ista sunt infirmita-  
tis , non facultatis. Non ergo in-  
digebimus , & ideo beati erimus.

Pleni enim erimus , sed Deo no-  
stro : Et omnia quæ hîc pro magno  
desideramus , ipse nobis erit. Pro  
magno cibum hîc quæris ; Deus  
tibi cibus erit. Amplexum carnis

Psal. 72.  
28.

hîc quæris : Miki autem adhære-  
re Deo bonum est. Divitias hîc  
quæris ; quomodo tibi deerunt om-  
nia , quando illum habebis , qui fe-  
cit omnia ? Et ut verbo Apostoli te

faciam securum ; de illâ vitâ hoc  
dixit , ut sit Deus omnia in omni-<sup>1. Cor. 15.</sup>  
bus. Noli ergo talia sperare tibi  
danda à Deo , qualia hîc jubet te  
contemnere. <sup>28.</sup> Nihil eorum est  
apud Angelos. Unde gaudent An-<sup>a In Ps.</sup>  
geli , nisi unde Dominus ait : *Nes-*  
*citis quia Angeli eorum semper*<sup>43. med.</sup>  
*vident faciem patris ? Si ergo ad*  
faciem patris gaudent Angeli , ad  
tale gaudium te præpara : aut si in-  
venis melius quàm videre faciem  
Dei ; illuc te præpara. Væ tali  
amori tuo , si vel suspicaris aliquid  
pulchrius , quàm est ille à quo est  
omne pulchrum , quod te teneat  
ne illum cogitare merearis. <sup>c Serm.</sup> Non  
tibi proponas quia aliquid tale est  
Deus , quale vides in cælo , vel lu-<sup>44. de</sup>  
nam , vel solem , vel sidera , vel  
quidquid fulget & splendet in cæ-  
lo. Non hoc est Deus. <sup>d lb. c. 5.</sup> Conamini  
cogitare , fratres , lumen veritatis ,<sup>7.</sup>  
lucem sapientiæ ; quomodo ubique  
præsens est omnibus. Conamini  
cogitare lumen justitiæ ; præsens  
est enim omni cogitanti. <sup>e lb. inf.</sup> Sed non

F ij

68 Phileremi Pabæol. Monac.  
potestis; palpitat mentis aies. Pur-  
getur, & videat. Ut autem purge-  
tur & videat, credat ut purgari  
mereatur. Quod ergo videre non  
potestis, differte ut curemini, &  
videre possitis: Non tamen tale  
aliquid in futuro sæculo cogitetis,  
quale nunc videtis: quia si tale ali-  
quid cogitaveritis, & tale aliquid  
dilexeritis, cum ipso mundo vultis  
ire extra mundum, tollere vobis-  
cum vultis mundum. Non erunt  
ibi ista. Lux ibi erit quædam, un-  
de hoc rorat nescio quid, quod  
modò intelligimus, & gaudemus.

<sup>2</sup>Ser. 12<sup>1</sup>.  
de diver.  
cap. 25.

<sup>a</sup> Tenete ergo Christum, fratres;  
tenete fidem, tenete viam. Ipsa  
vos perducet ad id quod videre  
modò non potestis. In illo enim  
capite apparuit quod speretur in  
membris: in illo fundamento de-  
monstratum est quod in nostrâ ædi-  
ficetur fide, ut postea perficiatur  
in specie: ne forte cùm putatis vos  
cernere, appareat vobis aliquid  
per imaginem falsam quasi esse  
quod non est, & dimissâ viâ in ex-

de Oratione Dominica Liber. 69

rorem devietis , & ad patriam quò  
ducit via , id est , ad speciem quò  
ducit fides , non perveniat. <sup>a</sup> Cre-  
dimus enim ut cognoscamus , non <sup>40. in</sup>  
cognoscimus ut credamus. Quod <sup>Loan. posse</sup>  
enim cognituri sumus , Nec oculus <sup>med.</sup>  
vidit , nec auris audivit , nec in <sup>1. Cor. 2.</sup>  
cor hominis ascendit. Quid est  
enim fides , nisi credere quod non  
vides ? Fides ergo est , quod non vi-  
des credere ; veritas , quod credi-  
disti videre. <sup>b</sup> Scimus , quia cùm <sup>b 1b. inf.</sup>  
apparuerit , similes ei erimus. <sup>1. Ioan.</sup>  
Unde ? Quoniam videbimus eum <sup>3. 2.</sup>  
sicuti est. Magna promissio , sed  
merces est fidei. Quæris merce-  
dem ? Opus præcedat. Si credis ,  
mercedem exige fidei. Si autem  
non credis , fidei mercedem quâ  
fronte quæris ? Ergo visuri sumus <sup>c Tract.</sup>  
quandam visionem , fratres , quam <sup>4. in Ep.</sup>  
nec oculus vidit , nec auris audi- <sup>1. Ioan.</sup>  
vit , nec in cor hominis ascendit ; <sup>med.</sup>  
visionem quandam , visionem præ-  
cellentem omnes pulchritudines  
terrenas , auri , argenti , nemorum  
atque camporum , pulchritudi-

F iij

70 Phileremi Palæol. Monac.

nem maris & aëris , pulchritudinem solis & lunæ , pulchritudinem stellarum , pulchritudinem Angelorum ; omnia superantem , quia ex ipsâ pulchra sunt omnia : Quid ergo nos erimus quando hoc videbimus ? Quid nobis promissum est?

1. Ioan. Similes ei erimus , quoniam videbimus eum sicuti est . Quomodo potuit , lingua sonuit ; cætera corde cogitentur . Quid enim vel ipse Joannes dixit ad comparationem rei quæ est , vel à nobis dici potest , hominibus longè imparibus meritis ipsius ? <sup>a</sup> Illum interrogate qui cœpit in vobis habitare . Dico tamen & ego quod inde sentio .

b Tract. <sup>b</sup> Habent omnes animæ , cùm de 49. in sæculo exierint , diversas receptiones suas . Habent gaudium bonæ ; malæ tormenta . Sed cùm facta fuerit resurrectio , & honorum gaudium amplius erit , & malorum tormenta graviora , quando cum corpore torquiebuntur . Recepti sunt in pace sancti Patriarchæ , Prophetæ , Apostoli , Martyres ,

<sup>a</sup> Serm.  
100. de  
diuer.c.5.

<sup>b</sup> Tract.  
49. in  
Ioan. med.

boni fideles; <sup>a</sup> ubi non eis dicitur, implete quod jussi; sed , accipite <sup>a Ser. 103.  
de liber.</sup> cap. 4. quod promisi. Quâ nunc jucunditate spiritualiter epulantur ; quâm securi in Domino , & quâm sublimi honore gloriantur , quis terreno docere possit exemplo ? <sup>b</sup> Veniet <sup>b lib. c. 5.</sup> autem retributionis dies , ubi corporibus redditis totus homo recipiat quod meretur. Ubi & illius divitis membra , quæ quondam temporali purpurâ decorabantur , æterno igne torreantur , & caro pauperis ulcerosi mutata inter Angelos fulgeat ; quamvis etiam nunc ille guttam ex digito pauperis apud inferos sitiat , & ille in sinu justi deliciosa requiescat. <sup>c</sup> Nunc jam <sup>c Lib. 22.  
decivit.  
Dei. cap.</sup> 29. quid acturi sint in corporibus immortalibus atque spiritualibus san-  
eti , non adhuc corum carne carnaliter , sed spiritualiter jam viven-  
te ( <sup>d</sup> tam potenti enim naturâ Deus facit animam , ut ex ejus plenissi- <sup>d Ep. 56.  
ant med.</sup> mâ beatitudine quæ in fine tempo- rum sanctis promittitur , redundet etiam in inferiorem naturam , quod

72 Phiteremi Palav. Monac.

est corpus , non beatitudo quæ  
fruentis & intelligentis est propria,  
sed plenitudo sanitatis , id est , in-

<sup>a</sup> Lib. 22. corruptionis vigor ; ) quantum  
<sup>de civit.</sup>  
<sup>Dei cap.</sup> Dominus dignitatus fuerit adjuva-  
re , videamus . Et illa quidem actio,

vel potius quies atque otium quale  
futurum sit , si verum velim dice-  
re , nescio : non enim hoc unquam  
per sensus corporis vidi . Si autem  
mente , id est , intelligentiâ vidisse  
me dicam , quantum est , aut quid

Philip.  
4.7.

est nostra intelligentia ad illam ex-  
cellentiam ? Ibi est enim pax Dei ,  
quæ , sicut ait Apostolus , superat  
omnem intellectum . Quem nisi  
nostrum , aut fortasse etiam om-  
nium sanctorum Angelorum ? Non  
enim & Dei . Si ergo sancti in Dei  
pace victuri sunt , profectò in cā  
pace victuri sunt , quæ superat om-  
nem intellectum . <sup>b</sup> Sed quia & nos  
pro modulo nostro pacis ejus par-  
ticipes facti summam in nobis at-  
que inter nos & cum ipso pacem ,  
quantum nostrum summum est ,  
obtinebimus ; isto modo pro suo  
modo

<sup>b</sup> Ibid.  
inf.

modo sciunt eam sancti Angeli ;  
homines autem nunc longè infra ,  
quantumlibet proiectu mentis ex-  
cellant . <sup>a</sup> Quapropter cùm ex me  
quæritur , quid acturi sint sancti  
in illo corpore spiritali ; non dico  
quod jam video ; sed dico quod cre-  
do secundùm illud quod in psalmo  
lego : *Credidi propter quod locutus* <sup>ps. 115. r.</sup>  
*sum.* Dico itaque quodd visuri sint  
Deum in ipso corpore ; sed utrum  
per ipsum , sicut per corpus nunc  
videmus solem , lunam , stellas ,  
mare , ac terram , & quæ sunt in  
eâ , non parva quæstio est . <sup>b</sup> Ratio-  
cinatio quippe illa Philosophorum ,  
quâ ita disputant mentis aspectu  
intelligibilia videri , & sensu cor-  
poris sensibilia , id est , corporalia ;  
ut nec intelligibilia per corpus ,  
nec corporalia per seipsa mens va-  
leat intueri , si posset nobis esse cer-  
tissima , profectò certum esset per  
oculos corporis etiam spiritalis nul-  
lo modo posse videri Deum . Sed  
istam ratiocinationem & vera ra-  
tio & prophetica irridet authoritas .

G

74 Phileremi Palæol. Monac.

Quis enim ita sit aversus à vero , ut dicere audeat Deum corporalia ista nescire ? Nunquid ergo corpus habet , per cuius oculos ea possit ad-

<sup>a</sup> Lib. 22. discere ? <sup>a</sup> Deinde vitam quidem

de civit.

Deicap.

29.

suam quâ nunc vivit in corpore ,

& hæc terrena membra vegetat ,

facitque viventia , interiore sensu

quisque , non per corporeos oculos

novit ; aliorum verò vitas , cùm

sint invisibiles , per corpus videt :

Nam unde viventia discernimus à

non viventibus corpora , nisi cor-

pora simul vitasque videamus , quas

nisi per corpus videre non possu-

mus ? Vitas autem sine corporibus ,

corporeis oculis non videmus .

Quamobrem fieri potest , valdeque

credibile est , sic nos esse visuros

mundana tunc corpora cæli novi ,

& terræ novæ , ut Deum ubique

præsentem , & universa etiam cor-

poralia gubernantem , per corpora

quæ gestabimus , & quæ conspicie-

mus quaquaversum oculos duxerim-

Rom. I 20. us , clarissimâ perspicuitate vi-

deamus : non sicut nunc *invisilia*

Dei per ea quæ facta sunt intelle-  
cta conspiciuntur per speculum in  
anigmate, & ex parte, ubi plus in  
nobis valet fides quam credimus;  
quam rerum corporalium species  
quam per oculos cernimus corpo-  
rales: sed sicut homines, inter  
quos viventes motusque vitales  
exerentes vivimus, mox ut aspici-  
mus, non credimus vivere, sed vi-  
demus, cum eoram vitam sine cor-  
poribus videre nequeamus, quam  
tamen in eis per corpora remotâ  
omni ambiguitate conspicimus; ita  
quacumque spiritalia illa lumina  
corporum nostrorum circumfere-  
mus, incorporeum Deum omnia  
regentem, etiam per corpora con-  
tuebimur. Aut ergo per illos ocu-  
los sic videbitur Deus, ut aliquid  
habeant in tantâ excellentiâ menti  
simile, quo & incorporea natura  
cernatur; quod ullis exemplis, sive  
scripturarum testimoniis divina-  
rum vel difficile vel impossibile est  
ostendere. Aut, quod est ad intel-  
ligendum facilius, ita Deus nobis

1. Cor. 13.

11.

Ibid. v. 9.

76 Phileremi Paleol. Monac.

erit notus atque conspicuus , ut videatur spiritu à singulis nobis in singulis nobis , videatur ab altero in altero , videatur in seipso , videatur in cælo novo , & in terrâ novâ , atque in omni quæ tunc fuerit , creaturâ ; videatur & per corpora in omni corpore , quocumque fuerint spiritualis corporis oculi acie perveniente directi . Patebunt etiam cogitationes nostræ invicem nobis : tunc enim implebitur quod

i. Cor. 4. Apostolus , cùm dixisset , *Nolite ante tempus judicare quicquam ; mox addidit , donec veniat Dominus , & illuminet abscondita tenebrarum , & manifestet cogitationes cordis ; & tunc laus erit unicui-*

a Lib. 22. que à Deo . <sup>2</sup> Quanta erit illa felicitas , ubi nullum erit malum , nullum latebit bonum , vacabitur Dei laudibus , qui erit omnia in omnibus ? Nam quid aliud agetur ubi neque ullâ desidiâ cessabitur , neque ullâ indigentiâ laborabitur , nescio . Admoneor etiam sancto cantico , ubi lego , vel audio , *Bea-*

de civit.  
Dei cap.  
30.

ti qui habitant in domo tuâ, Do-<sup>Psal. 83.5.</sup>  
mine: in saecula saeculorum lauda-  
bunt te. Omnia membra & visce-  
ra incorruptibilis corporis, quæ  
nunc videmus per usus necessitatis  
varios, & motus distributa, quo-  
niam tunc non erit ipsa necessitas,  
sed plena, certa, secura, sempiter-  
na felicitas, proficient in laudibus  
Dei. Omnes quippe illi, de qui-  
bus jam sum locutus, qui nunc la-  
tent harmoniaæ corporalis numeri  
non latebunt, intrinsecus & ex-  
trinsecus per corporis cuncta dis-  
positi; & cum cæteris rebus, quæ  
ibi magnæ atque mirabiles videbun-  
tur, rationales mentes in tanti ar-  
tificis laudem rationalis pulchri-  
tudinis delectatione succendent.  
Qui motus illuc talium corporum  
sint futuri, temerè definire non  
ando, quod excogitare non valeo.  
Tamen est motus, & status, sicut  
ipsa species, decens erit quicum-  
que erit, ubi quod non decebit  
non erit. Certè ubi volet spiritus,  
ibi protinus erit corpus, nee volet

G iij

78 Phileremi Palæol Monac.

aliquid spiritus, quod nec spiritum possit decere, nec corpus. Vera ibi gloria erit, ubi laudantis nec errore quisquam nec adulatione laudabitur: Verus honor, qui nulli negabitur digno, nulli deferetur indigno; sed nec ad eum ambiet ullus indignus, ubi nullus permitetur esse nisi dignus. Vera pax ibi erit, ubi nihil adversi nec à seipso nec ab alio quisquam patietur. Præmium virtutis erit ipse qui virtutem dedit, eique seipsum, quo melius & majus nihil possit esse, promisit. Quid est enim aliud quod per Prophetam dixit, *Ero illorum Deus, & ipsi erunt mihi plebs,*  
<sup>Levit 26.</sup>  
<sup>12.</sup> nisi, ego ero unde satientur; ego ero quæcumque ab hominibus honestè desiderantur, & vita, & salus, & viætus, & copia, & gloria, & honor, & pax, & omnia bona? Sic enim & illud rectè intelligitur  
<sup>1. Cor. 15.</sup>  
<sup>18.</sup> quod ait Apostolus: *Vt sit Deus omnia in omnibus.* Ipse finis erit desideriorum nostrorum, qui sine fine videbitur, sine fastidio amabi-

tur , sine fatigatione laudabitur.  
Hoc munus , hic affectus , hic actus  
profecto erit omnibus , sicut ipsa  
vita æterna communis. Cæterum  
qui futuri sint pro meritis præmio-  
rum , etiam gradus honorum atque  
gloriarum , quis est idoneus cogita-  
re , quanto magis dicere ? Quod ta-  
men futuri sint , non est ambigen-  
dum. Atque id etiam beata civitas  
illa magnum in se bonum videbit ,  
quod nulli superiori ullus inferior  
invidebit , sicut nunc non invident  
Archangelis Angeli cæteri : tam-  
que nollet esse unusquisque quod  
non accepit , quamvis sit pacatissi-  
mo concordiæ vinculo ei qui acce-  
pit , obstrictus ; quam nec in cor-  
pore vult oculus esse qui est digi-  
tus , cum membrum utrumque  
contineat totius corporis pacata  
compago. Sic itaque habebit do-  
num aliis alio minus , ut hoc quo-  
que donum habeat ne velit am-  
plius. Nec ideo liberum arbitrium  
non habebunt , quia peccata eos de-  
lectare non poterunt : Magis quip-

G. iij

80 Phileremi Palæol. Monachi  
pe erit liberum , à de'clatione  
peccandi usque ad delectationem

<sup>a Lib. 22.</sup>  
<sup>de civit.</sup>  
<sup>Dei cap.</sup>  
<sup>30.</sup> non peccandi indeclinabilem libe-  
ratum. <sup>b</sup> Certè Deus ipse nunquid  
quia peccare non potest , ideo libe-  
rum arbitrium habere negandus  
est ? Erit ergo illius civitatis , & una  
in omnibus , & inseparabilis in sin-  
gulis voluntas libera , ab omni ma-  
lo liberata , & impleta omni bono ;  
fruens indesinenter æternorum ju-  
cunditate gaudiorum , oblita cul-  
parum , oblita pœnarum , nec ta-  
men ideo suæ liberationis oblita ,  
ut liberatori suo non sit ingrata ;  
quantum enim attinet ad scientiam  
rationalem , memor præteritorum  
etiam malorum suorum ; quantum

<sup>b Ib. inf.</sup> autem ad experientis sensum , pror-  
fus immemor . <sup>c</sup> Ibi vacabimus , &  
videbimus ; videbimus , & amabi-  
mus ; amabimus , & laudabimus .  
Ecce quod erit in fine sine fine .

<sup>c Epist.</sup>  
<sup>52- past</sup>  
<sup>init.</sup> Nam quis aliis noster est finis , ni-  
si pervenire ad regnum , cuius nul-  
lus est finis ? <sup>d</sup> Hoc piorum præ-  
mium est , cuius adipiscendi spe  
vitam istam temporalem atque

*de Oratione Dominica Liber.* Si mortalem non tam delectabiliter quām tolerabiliter ducimus , & mala ejus tunc bono consilio & di- vino munere fortiter ferimus , cūm bonorum æternorum fideli Dei pro- missione , & fideli nostrâ expecta- tione gaudemus. Ad hoc nos Apo- stolus exhortans ait : *Spe gauden- Rom. 12.  
tes , in tribulatione patientes.*<sup>12.</sup>

Ostendit enim quare in tribula- tionē patientes , præmittendo : *spe gaudentes.* <sup>a Ep. 12.</sup> <sup>b cap. 8.</sup> Propter hanc adipis- cendam vitam beatam ipsa vera vita beata nos orare docuit. <sup>b</sup> *Quod ib. inf.* quare faciat , qui novit quid nobis necessarium sit , priusquam peta- mus ab eo , movere animum potest , nisi intelligamus quod Dominus & Deus noster non voluntatem no- stram sibi velit innotescere , quam non potest ignorare ; sed exercerī in orationibus desiderium nostrum , quod possimus capere quod præparat dare : Illud enim valde magnum est , sed nos ad capiendum parvi & angusti sumus. Tota vita Christiani boni , sanctum desiderium

<sup>c Tract.</sup>  
<sup>4. in Ep.</sup>  
<sup>1. Ioan.</sup>  
<sup>med.</sup>

§2. Phileremi Patæol. Monac.

est. Quod autem desideras , non-  
dum vides ; sed desiderando capax  
efficeris , ut cùm venerit quod vi-

<sup>a Ep. 121. cap. 8. C 9.</sup> deas , implearis . Tanto quippe il-  
lud , quod valde magnum est , quod

<sup>1. Cor. 2. 7.</sup> nec oculus vidit ; quia non est co-  
lor ; nec auris audivit , quia non  
est sonus ; nec in cor hominis ascen-  
dit , quia cor hominis illuc debet  
ascendere , simemus capacius ,  
quanto id & fidelius credimus , &  
speramus firmius , & desideramus  
ardentius. In ipsâ ergo fide , &  
spe , & charitate continuato deside-  
rio semper oramus : sed ideo per  
certa intervalla horarum & tem-  
porum etiam verbis rogamus  
Deum , ut illis rerum signis nos ip-  
sos admoneamus , quantumque in  
hoc desiderio profecerimus , nobis  
ipsis innotescamus , & ad hoc au-  
gendum nos ipsos acrius excitemus:  
dignior enim sequetur effectus ,  
quem ferventior præcedit affectus.  
Ac per hoc & quod ait Apostolus ,

<sup>2. Cor. 5. 17.</sup> sine intermissione orate , quid est  
aliud , quam beatam vitam , quæ

nulla nisi æterna est , ab eo qui eam  
solus dare potest , sine intermissione  
desiderate ? Semper ergo hanc à  
Domino Deo desideremus ; & ore-  
mus semper. Sed ideo ab aliis curis  
atque negotiis , quibus ipsum desi-  
derium quodammodo tepescit ,  
certis horis ad negotium orandi  
mentem revocamus , verbis ora-  
tionis nos ipsos admonentes in id  
quod desideramus intendere ; ne  
quod tepescere cæperat , omnino  
frigescat , & penitus extinguitur ,  
nisi crebriùs inflammetur. <sup>a</sup> Adhuc <sup>Ibid.</sup>  
est fortasse quod quæras , cur Apo-<sup>cap. 14.</sup>  
stolus dixerit : Quid enim oremus , <sup>Rom. 8.</sup>  
sicut oportet , nescimus : Neque  
enim ullo modo credendum est ,  
vel ipsum , vel quibus ista dicebat ,  
Dominicam nescisse orationem.  
Cur ergo putamus hoc eum dixisse ,  
quod nec temerè potuit nec men-  
daciter dicere , nisi quia molestiæ  
tribulationesque temporales ple-  
rumque profundunt vel ad sanandum  
tumorem superbiæ , vel ad pro-  
bandam exercendamve patientiam ,

84 Phileremi Palæol. Monac.

cui probatae & exercitatæ clarior  
merces uberiorque servatur , vel  
ad quæcumque flagellanda & abo-  
lenda peccata : tamen nos nescien-  
tes quid ista prosint , ab omni tribu-

<sup>2 Ep. 121.</sup> latione optamus liberari. <sup>3</sup> In tali-

<sup>cap. 14.</sup> bus ergo quid oremus sicut oportet,

<sup>Rom. 8.</sup> nescimus. Unde si aliquid contrà

<sup>26.</sup> quam oramus acciderit , patienter

ferendo , & in omnibus gratias  
agendo , hoc potius oportuisse quod  
Dei , non quod nostra voluntas ha-  
buerit , minimè dubitare debemus.  
Nam & hujusmodi exemplum præ-  
buit nobis ille mediator , qui cùm

<sup>Matth.</sup> dixisset : *Pater , si fieri potest , tran-*

<sup>26. 39.</sup> *seat à me calix iste , humanam in-*

*se voluntatem ex hominis suscep-*  
*tione transformans ; continuò*

<sup>Ibid.</sup> *subjecit : Verum non quod ego vo-*

<sup>Rom. 5.</sup> *lo , sed quod tu vis , Pater. Unde*

<sup>39.</sup> *non immeritò per unius obedien-*

<sup>Ps. 26. 4.</sup> *tiam justi constituuntur multi.*

*Quisquis autem illam unam petit*  
*à Domino , & hanc requirit , cer-*

*tus ac securus petit , nec timet ne*  
*fortè obsit cùm acceperit , sine quâ*

*de Oratione Dominica Liber.* 85  
nihil prodest quidquid aliud sicut  
optaret, acceperit. Ipsa est enim  
una vera & sola beata vita, ut con-  
templemur Domini delectationem  
in æternum, immortales atque in-  
corruptibles corpore & spiritu.  
Propter hanc unam cætera requi-  
runtur, & non indecenter petun-  
tur. Istam quisquis habuerit, om-  
nia quæ vult habebit, nec aliquid  
ibi velle habere poterit, quod non  
decebit. Ibi quippe est fons vitæ,  
quem sitire nunc oportet in oratio-  
ne, quamdiu in spe vivimus, &  
quod speramus nondum videmus,  
in protectione alarum ejus ante  
quem est omne desiderium no-  
strum, ut inebriemur ab ubertate  
domus ejus, & torrente voluptatis  
ejus potemur, quoniam apud eum  
est fons vitæ, & in lumine ejus vi-  
debimus lumen; quando satiabitur  
in bonis desiderium nostrum, &  
nihil erit ultrà quod gemendo  
quæramus, sed quod gaudendo te-  
neamus. Verumtamen quia ipsa est  
pax quæ præcellit omnem intelle-

Psal. 35.  
9. 10.

85 Phileremi Palæol. Monac.

ctum ; etiam ipsam in oratione pos-  
cendo , quid oremus sicut oportet  
nescimus : quod enim sicuti est co-  
gitare non possumus , utique nesci-  
mus ; sed quidquid cogitanti occur-  
rerit , abiijcimus , respuimus , im-  
probamus ; non hoc esse quod quæ-  
rimus , novimus , quamvis illud

a Epist.

105. ante ipse Spiritus interpellat pro nobis  
med.

Rom. 8. 26. gemitibus inenarrabilibus. Quid

est autem , interpellat , nisi inter-  
pellare nos facit ? Indigentis enim  
certissimum indicium est interpel-  
lare gemitibus. Nullius autem rei  
esse indigentem fas est credere Spi-  
ritum sanctum : sed ita dictum est,  
interpellat , quia interpellare nos  
facit , nobisque interpellandi & ge-  
mendi inspirat affectum. Sicut il-  
lud in Evangelio : *Non enim vos  
estis qui loquimini , sed spiritus  
Patris vestri qui loquitur in vobis.*  
Neque enim & hoc ita sit de nobis  
tanquam nihil facientibus nobis.  
Adjutorium igitur Spiritus sancti  
sic expressum est , ut ipse facere di-

Matth.  
10. 20.

*de Oratione Dominica Liber.* 87

ceretur , quod ut faciamus facit.

<sup>a Lib. de  
dono per-  
sever. cap.</sup>  
^ Attendant ergo quomodo fallun-  
tur qui putant esse à nobis , non da-  
ri nobis ut petamus , quæramus ,  
<sup>23.</sup>

pulsemus ; & hoc esse dicunt quod  
gratia præceditur merito nostro ,  
ut sequatur illa ; cùm accipimus  
petentes , & invenimus quærentes ,  
aperiturque pulsantibus. Nec vo-  
lunt intelligere , etiam hoc divini  
muneris esse ut oremus , hoc est ,  
petamus , quæramus , atque pulse-  
mus.

*Accipimus enim spiritum* <sup>Rom. 8.</sup>  
*adoptionis filiorum , in quo clama-* <sup>15.</sup>

*mus Abba , Pater.* <sup>b Lib. 1.</sup> Nonne ali-  
quando ipsa oratio nostra sic tepida <sup>quaest. ad  
simplic. q.</sup>  
est , vel potius frigida , & penè <sup>2. fin.</sup>  
nulla , immò omnino interdum  
nulla , ut neque hoc in nobis cum  
dolore advertamus ? Quia si vel  
hoc dolemus , jam oramus. Quid  
ergo aliud ostenditur nobis , nisi  
quia & petere , & quærere , & pul-  
fare ille concedit , qui ut hæc  
faciamus jubet ? Igitur *non volen-* <sup>Rom. 9.</sup>  
*tis , neque currentis , sed miserent-* <sup>16.</sup>  
*tis est Dei ; quandoquidem nec*

88 Phileremi Palæl. Monachi

velle nec currere nisi eo movente

a lib. med. atque excitante poterimus.<sup>a</sup> Nam

Rom. 9. si propterea solum dictum est, Non

16. volentis neque currentis, sed misere-

rentis est Dei, quia voluntas homi-

nis sola non sufficit ut justè recte-

que vivamus, nisi adjuvemur mi-

sericordiâ Dei: Potest & hoc modo

dici, igitur non miserentis est Dei,

sed volentis est hominis; quia mi-

sericordia Dei sola non sufficit, nisi

consensus nostræ voluntatis adda-

tur. At illud manifestum est, fru-

stra nos velle nisi Deus misereat-

ur; illud autem nescio quomodo

dicatur, frustra Deum misereri,

nisi nos velimus. Si enim Deus mi-

seretur, etiam volumus; ad eam-

dem quippe misericordiam perti-

b Lib. 2. net ut velimus.<sup>b</sup> Quid est enim

ad Bonif. boni cupiditas, nisi charitas? De

cap. 9. quâ Joannes Apostolus sine am-

1. Ioan. biguitate loquitur, dicens: Charि-

4. 7. tas ex Deo est. Nec initium ejus

ex nobis, & perfectio ejus ex Deo:

sed si charitas ex Deo, tota nobis

ex Deo est. Avertat enim Deus

hanc

hanc amentiam , ut in donis ejus  
nos priores faciamus , posteriorem  
ipsum : *Quoniam misericordia ejus* Psal. 58.  
*præveniet me ; Et ipse est cui fideli-* 11.  
*ter veraciterque cantatur : Quo-* Psal. 20.  
*niam prævenisti eum in benedictio-* 4.  
*ne dulcedinis. Et quid h̄ic aptius*  
intelligitur , quām ipsa de quā lo-  
quimur cupiditas boni ? Tunc enim  
bonum concupisci incipit , quando  
dulcescere cæperit. Quando autem  
timore pœnæ , non amore justitiae  
fit bonum , nondum bene fit bo-  
num ; nec fit in corde quod fieri vi-  
detur in opere , quando mallet ho-  
mo non facere , si posset impunè.  
Ergo benedictio dulcedinis est gra-  
tia Dei , quā fit in nobis ut nos de-  
lectet , & cupiamus , hoc est , ame-  
mus quod præcipit nobis. In quā  
si nos non prævenit Deus , non so-  
lūm non perficitur , sed nec in-  
choatur ex nobis. Si enim sine illo  
nihil possumus facere , profectò nec  
incipere , nec perficere : quia ut  
incipiamus , dictum est , *Miseri-* Psal. 58.  
*cordia ejus præveniet me ; ut perfici-* 11.

H

90 Phileremi Palæol. Monac.

Psal. 22. ciamus, dictum est, Misericordia  
ejus subsequetur me.

FIAT VOLUNTAS TUA,  
sicut in cælo, & in terrâ.

a. Serm.  
48. dedi-  
ver. cap.  
b. In Ps.  
36. conc.  
3. post.  
init.  
c. Lib. 22.  
cōt. Faust.  
cap. 27.  
d. Lib. 16.  
e. 3.

e. Enchiri-  
dii cap.  
95. 96.  
Psal. 113.  
11.

**S**I non illud tu dicas, non faciet Deus voluntatem suam? <sup>b</sup> Voluntas Dei, ipsa est lex Dei, <sup>c</sup> ordinem naturalem conservari jubens, perturbari vetans. <sup>d</sup> Deus autem creator & conditor omnium naturalium nihil contra naturam facit; id enim erit cuique rei naturale, quod ille fecerit à quo est omnis modus, numerus, ordo naturæ. Sed nec ipse homo contra naturam quicquam facit, nisi cum peccat. Qui tamen supplicio redigitur ad naturam. Ad naturalem quippe justitiæ ordinem pertinet, ut aut peccata non fiant, aut impunita esse non valeant. Quodlibet horum fit, naturalis ordo servatur, si non ab animâ, certè à Deo. <sup>e</sup> In psalmo canitur: Deus autem noster in cælo & in terrâ omnia quæcumque vo-